



Inuit Ataqatigiit Inatsisartuni

12. marts 2008

Inatsisartut suleriaasianni § 36, immikkoortoq 1 naapertorlugumatumuuna imaattumik Naalakkersuisunut a-peqquteqarpuga:

Apeqquut:

Aalisartut raajat minguitsut MSC-mik ilisarnaaserneqaqqullugit suliniutaat tapersersorniarlugu Naalakkersuisut qanoq iliuseqalersaarpat ?

(Inatsisartunut ilaasortaq Ane Hansen)

Tungavilersuut:

Kalaallit Nunaanni Sulisitsisut Peqatigiiffiata (GA-p) kilisaataatileqatigiiffiit tunisassiorfiillu sinnerlugit sulissutigilerpaa raajarniat tunisassiorfittu tunisassiamik raajat minguitsut MSC-mik taaneqartartumik ilisarnaaserneqarnissaat. Suliniut taanna Inuit Ataqatigiinniit tapersersornartutut isigarput, taamatut suliniuteqarneq nungusaataangitsumik ikiliartuutaangittumillu aalisarnermik aqqissuussisimanissamik piumasaqarmat. Kiisalu aamma nunani amerlialaguttuinnartuni aalisakkanik tunisassiat MSC-mik nalunaaqutserneqarsimanissaat piumasarineqaleriartormat tunitsivissaqartuarnissaq siunertaralugu malinnaasariaqarnerput pingaaruteqarmat.

Tamannali anguneqassappat piumasaqaatit assigiinngitsut anguneqarsimasariaqarnerat piumasaqaataavoq ilaatigullu makkuninnga naammassinnissimanissamik piumasaqartoqarluni:

- Aalisarneq nungusaataangitsumik ikiliartuutaangitsumillu ingerlanneqassasoq.
- Aalisarneq immap aalisagaqassusiata oqimaaqatigiinneranut allannguutaangitsumik ingerlanneqassasoq.
- Aalisarneq peqqissaartumik, sumiiffinni, nunap immikkoortuani nunanilu tamani inatsisit tunngavigalugit ingerlanneqassasoq.

Raajat minguitsut MSC-mik ilisarnaaserneqarnissaanik suliuut akornuserneqaratarsinnaavoq, naalakkersuinikut piumasarineqartut naammassineqarsimanngitsutut isigineqarpata. Taamaattumik apeqqutigara Naalakkersuisut suliniut tapersersorniarlugu qanoq iliuseqalersaarnersut.

Maanna aalisarnermik Inatsisip nutarterneqarnissaanut siunnersuutip kinguardeqqinneqartussangorsinnaanera ta nassatarisaanik iluarsiiissutissatut siunertat ilanngullutik kinguarsaqqinneqarput ilaatigut makkuusut:

- Nalunaarsorneqangitsunik raajarniarnermi pisarineqartartut siorna Naalakkersuisut Raajarniarnermi nakkuttillineq pillugu Nalunaarusiaat nr. 33 aqqutigalugu iluarsiiutigigaluat atorunnarsinneqartoq, Aalisarnermillu Inatsisip nutarterneqarnissaanut iliuuseriniakkat kinguartinneqartut qanoq iliuseqarfiginiarneqarnersut paaserusunnarpoq. Tamatuma saniatigut ukiuni arlalinnortuni ilisimatinneqareersimalluta ukioq manna Pingortitaleriffimmiit siunnersuutigineqaralarpoq TAC aqqutigalugu raajartassiissutit 30 %-mik annikillilernerneqassasut, tamannali Naalakkersuisunit malinneqarani ukiuni tullerriaanni 5%-tiinnarmik annikillilerisoqarnissaa aalajangiunneqarpoq, naak aalisartunik annikillilerinissamik siunnersuut pitsaanerumumik malinneqarnissaa inassutigineqaralarpoq. **Tassami aamma siunnersuutigineqaralarpoq Pingortitaleriffiup inassutaa ukiut marluk iluanni naammassiniarneqassasoq (15/15%)-mik, tamanna aamma malinneqangilaq.**

Siusinnerusukkat Pingortitaleriffimmiit ilisimatinneqareerpugut raajanik aalisapilunneq iliuseqarfigineqarani ingerlaannassappat ukiut pingasut sisamat ingerlanerinnaani raajaqassuseq navianartorsiuteqalerumaartoq, aammalu eqqaasinneqarpugut nunani allani takuneqartareersoq aalisapilunnerup kingunerissaanik raajaqassuseq sukkasuumik sunnerneqartartoq.